

844
K. 81

NURMUHAMMAD AZIZ



Nurmuhammad Azizov
1990-yil 18-sentyabrda Andijon
viloyati Jalaquduq tumanida
tug'ilgan. 2019-yilda Respublika yosh
ijodkorlarining Zomin seminarida
ishtirok etgan. Ayni damda Andijon
davlat universiteti O'zbek
adabiyotshunosligi kafedrası
doktoranti.

NURMUHAMMAD AZIZ

ZARIF G'USSALAR

"ADABIYOT"
NASHRIYOTI



BIRINCHI KITOBIM



ZARIF
G'USSALAR

SHU YIL

Книга должна быть
возвращена не позже
указанного здесь срока

Количество преданных
вдач

--	--

821
8-31

ЎЗБЕКИСТОН YOZUVCHILAR UYUSHMASI
"IIOU" JAMOAAT FONDI

NURMUHAMMAD AZIZ

2
ZARIF G'USSALAR

She'rlar

- 1281 -



TOSHKENT
"ADABIYOT"
2020

ЎЗБЕКИСТОН RESPUBLIKASI
OLIV VA O'RTA MAXBUS TA'LIM VAZIRLIGI
TOSHKENT VILOYATI CHIRCHIQ
DAVLAT PEDAGOGIKA INSTITUTI
AXBOROT RESURS MARKAZI

Nashr uchun mas'ul:
Sirojiddin SAYYID,
O'zbekiston Yozuvchilar uyushmasi raisi

Mas'ul muharrir:
Botir ERGASHEV

Ushbu to'plamda jamlangan she'rlarni o'qir ekan-siz, Nurmuhammad singari iste'dodli ijodkorlar borligidan quvonmasligingiz dargumon. Uning she'rlarida go'zallikka oshiq ko'ngil, ezgulik va adolat tuyg'ulari chinakam sayqallanganligini ko'rasiz. Uning borliqqa, tabiat mo'jizalariga, hayot hodisalariga, inson imkoniyatlariga boshqacha, teran nigoh bilan qarashi, hamma ham ko'ravermaydigan taraflarni lig'ashi, so'z ila tabiatni mohirlik bilan chizishga guvoh bo'lasiz. Bir so'z bilan aytganda, o'zingizni topasiz. Barchangizga yosh ukamizning ijod namunalaridan yoqimli mutolaa tilaymiz.

Ushbu kitob 2019-yili O'zbekiston Yozuvchilar uyushmasi she'riyat kengashi tomonidan nashrga tavsiya qilinib, "Ijod" jamoat fondi tomonidan moliyalashtirilgan.

ISBN 978-9943-6779-5-1

© N. Aziz, 2020
© "Adabiyot", 2020

RANGIN OLAM

Anchadan beri unda-bunda Nurmuhammadning yozganlariga ko'zim tushib qoladida, "ha, ta'bi nazmi durust... qalami ham ravongina ekan", debgina qo'yib o'taverman. Rosti, kelajakda uning timsolida yaxshi olimni tasavvur qilganim uchun bo'lsa kerak, uni atrofdagi ko'plab she'r havasmandlari sirasidagina ko'rardim. Shu kitob qo'lyozmasiga taqdim yozish bahona uning mashqlari bilan ilk bor mukammalroq, bir butun holda tanishib, tan olmog'im kerak, qalbi hassos, ilgohi o'tkir, tafakkuri zakiiy shoirga ro'baro' bo'lib turibman, ya'ni Nurmuhammadni o'zim ham yangidan tanib turibman.

Nurmuhammadning lirik qahramoni – go'zallikka oshiq ko'ngil, ezgulik va adolat tuyg'ulari ila charxlangan idrok egasi, tasavvurida yaratib olgani rangin olam bilan ko'z oldidagi naqdi – chirkin voqealik orasida turgan, goh o'sha rangin olam sog'inchini, goh esa ko'rib turgani begim kunlarning odatiy iztiroblarini qalamga olayotgan bugunning keshisi. Muhimi, har ikki holda ham u chin dildan so'ylaydi, izhorlari rost va samimiy. Ayonki, bunday odam muhitiga sig'maydi.

Xuddi "Geografiya darsida"gi kabi o'zga kengliklarga xayolan ko'chadi, o'sha yerlardan o'ziga yetishmagan nelnaridir izlaydi. Hatto ulug'vor tog'lar ham ko'nglini to'ldira olmaydi:

Axir, menga yoqmas Shiroqning Yuragidan kichkina tog'lar.

Kutilmagan tashbeh – shoirona nigohdan bir totim, ifodalayotgan mazmun esa shoirona bezovta qalbdan darak. Nazarimda, bu yosh shoirning kashfidek, yo oldin ham shunaga tashbehga duch kelibmidim? Qurg'ur, shu savol kallaga bir o'rnatib oldi-da, endi anchagacha parmalab turadi... Hay, mayli, nima bo'lganda ham, go'zal ifoda-da!

Nurmuhammadning she'rlarida bugungi kun turmush manzaralarini bitta-ikkita jumla bilan jonlantirib, shundoq o'quvchi ko'z oldiga keltirib qo'yishga intilishni ko'rdim. Bunday o'rinlar yosh shoir turmushni g'oyat teran his qilayotgani, atrofidagi kishilar ko'ngliga oyna tutib, ularning hayotini mushohada qilish orqali o'quvchiga muhim gaplarni aytishga harakat qilayotganini ko'rsatadi. O'qib ko'ring: "Otaning so'nggi kunlari", "Onanga", "Gunohi kabira" – sizni ham o'ylatib yurgan narsalar ekanmi? Shunday, masalan, "yoriq to'sindan nigoh uzmay nurayotgan" otaning

sovuq o'lkalardan janozaga yetib kelolmagan o'g'ilga ilhaq yumilmay ketgan ko'zlaridagi ifoda hozir kimga ham tanish bo'lmasin?

Yana bir nuqtani alohida ta'kidlashni istardim: Nurmuhammadning she'rlari bugungi kunda voqelik bilan, kishilarimizning bugungi idroki bilan chambarchas bog'lanib ketadi. Yaxshi bilasiz, bugun kimdir ko'tarinki pafos bilan, kimdir kinoya aralash, kim esa biroz ilg'ianibroq "musaffo osmon" deb aytadi...

Nazarimda, Nurmuhammad tamom qadrsizlanayotgan shu kalimani oqlamoqchi kabi, bir she'rda unga hamohang "musaffo tong" kalimasini ishlatadi, buni turkiy olamning xayrli ertasidan bashorat o'laroq qo'llaydi. Qarang, yosh shoir satrlari zahirida qadim qadrlarimizning yurak ohanglari olis sado berib turgandek. Bu ohanglarni kamina "Islandiyorga" nomli bag'ishlov she'ridan ilg'adim, siz ham quloq tutib ko'ring-chi?!

Yosh iste'dodning shunday ulug'lar etagini tutayotganining o'zi she'riga betama muhabbatdan darak, davomli va xayrli bo'lsin.

Dilmurod QURONOV,
filologiya fanlari doktori, professor.

MART CHIZGILARI

1.

Quvg'in qilar qishni boychechak,
Yozsa doston bo'lar ming varoq.
Hayajoni bosilmas hech ham,
Ichimdagi shoir telbaroq.

Chuchmomalar yastanar gato-o-or,
Irmoglar – xirgoyi, otashin.
Taxtdan tushar mag'lub qahraton,
Bosib olar olamni yashil.

Maysalar – erk, yurak titroqda
Ruhinga nur inadi birdan.
Ta'rif nadir, bog'lar-ku bog'lar,
Dashtlarim-da go'yoki firdavs.

Masih yong'ir olib kelar tong,
Har tomchida muhabbat bunyod.
Mart osmoni – yig'loqi osmon,
Ko'z yoshida poklanur dunyo.

2.

Bu nafarmon nafosat ichra
Jilg'alarining ovozi ham she'r.
Malikayi olam – musicha

Boshingda hur parvozi ham she'r.
Hilpiraydi qizg'aldoq tug'day,
Shug'ill gullar, farahlar ham she'r.
Chingga do'vor yetgan fothiday,
Qaddi mag'rur daraxtlar ham she'r.
Shabnamlarga bezangan sahar,
Oymomonning firog'i ham she'r.
Aldanmaydi so'zingga faqat,
Orazi ham, dimog'i ham she'r...
Tushun, shoir – parilar yerlik,
Guldo'konga uchrab o'tmoq shart.
Atirgulsiz o'qilgan she'rni
Xushlamaydi sakkizinchi marti

3.

Ibu yulduzmi, yog'dumi, diyda,
Yo' afsummi?
Parishon qoldim.
Ta'rifiingiz Bobur turkiyda
Yozib ketgan besh asr oldin.

"Javrida nodir, zulmda mohir,
Ishvada qodir, g'amzada ustod".

Manglayimni mohtob singari
Yoritguvchi g'ilmon siz, hur siz.
Ajallmdan besh kun ilgari
O'tlashinga arziysiz bir sizl...

...Zumrad fasl quchog'in ochar,
O, bu fusun, tashbeh maholdir.
Dil izhorim bir jumlada jam,
Bahoringiz bilan, Bahorim!!!

OTANING SO'NGI KUNLARI

Nigoh uzmay nuraydi ota,
Guvalak uy, yoriq to'sindan.
Vujudini kemirib yotar
Nogoh o'sgan o'jar o'sinta.

Qo'llarida qaltirar tasbeh,
Yuragiga yutar hasratin.
Zorlanadi bir hovli – pastak,
"Sohibimni o'zing asragin" ...

Oqshomda bir qalqidi osmon,
Bulutlarga berkindi qamar.
Ko'tarildi uvvos, g'alayon,
Peterburgga ketdi shumxabar.

Orzulari bo'g'zidan bo'g'ib,
Vaqt o'tmadi, shoshgani sayin.
Janozaga kelmasdi o'g'il,
Ko'zlarini yummasdi mayit.

ONAMGA

Sen daladan chiqmading, ona,
Kuzak chiqdi, bellaring chiqdi.
Dalalardan yuz burgan shahar
Gazetida she'rilarim chiqdi.

Sen daladan chiqmading, ona,
Xonatasning xillari chiqdi.
Kissam quruq, qilib masxara
Kalishingni tillari chiqdi.

Sen daladan chiqmading, ona,
Xul-tonlarda etak yamading.
Dil bir taraf, dunyo bir taraf,
Xudbin chiqdi Nurmuhammading.

Sen daladan chiqmading, ona,
Omonatim, o'lmasim mening.
O'sha moviy qirlarga qarab
Jonim chiqsa bo'lmasmi mening?!

Sen daladan chiqmading, ona...

GEOGRAFIYA DARSİ

"Tog'lar...
Yerning abadiy siri,
Bag'ri go'zal, havosi go'zal.
Kengliklarda daydi, izg'irin
Shamollarning yo'lini to'sar.

Tog'lar...
Necha zamon o'tsa ham,
Buyukligi topmas nihoya..."
Kitobimda ulug'vor, o'ktam,
G'oz turadi bahaybat qoya.

Bu qanday dars...
Zerikdim rosti,
Ruhimdagi sokinlik abas.
Ko'zoynakli keksa ustozning
Maqtovlari hamon tugamas.

Derazadan olamga boqdim,
Tashqarida zangori bog'lar.
Axir menga yoqmas Shitroqning
Yuragidan kichkina tog'lar.

BOLALIK SOG'INCHI

Uchirilgan eshik, jinchiroq, sandal,
Shitirg'urch, qora non va to't polapon.
Onamga junro'mol yarashar qanday,
Onamga yarashar uvada chopon.

Ayov ichkariga kirolmay xafa,
Haroratda yurak nurlanar obdan –
Eng baland pardada she'r o'qir opam,
Ilimgi o'ngib ketgan yashil kitobdan.

Har shirin hayajon – "Yillar armoni",
Kechalar qo'ynida orzular bunyod.
O, bobosandalda yayragan jonim,
Qorong'u xonada yop-yorug' dunyo...

"Ayt, meni qaylarga boshlab kelding, yo'l,
Nahot ko'z tikkanim serjiva hulyo.
Huhumni chavaqlar, bolalikdan so'ng,
Yop-yorug' xonada qop-qora dunyo.

SHE'R

She'r – muattar bo'yli xotira,
Tunga qumday sochlar shoir.
Momaqaymoq so'zlar ortida
Isyon bordir, izitrob bordir.

She'r – ko'ksingdan tomchilagan qon –
Siyohdan gul yasamoq zavqi.
Alangalab gurlagan gulxan
Ichra suvsab yashamoq zavqi.

She'r – jaydari, bejilov hislar,
Neki og'riq bo'lsa, o'shadir.
Bolalikda sinfdosh qizdan
Olimmagan qaynoq bo'sadir.

Shoirni mahv etar Azroil,
She'r – manguilik, poklik, joziba.
Oh, qaniydi, bitta SHE'R yozib,
Hayratidan o'lsam...
Roziman!

QUYOSH

Borliqda saraton,
Borliq jizg'anak,
Yurakka qo'r bermas olovli taiting...
Mingta bitilgimga sig'mas faxr-la
tirmoqlab ismini o'ydin,
dastning
qonagan ko'ksini bag'irlab.
Ihr ingroq – yoqimli, huvaydo ingroq,
Ihr ingroq – majnuniy, to'lg'onadi jon.
Ihr suylar...
Ihr kuyil...
Ismalash titroq,
Isming shu'lalaring bor-yo'g'i to'zon.
Qudratning muvaqqat, yorishar shubham,
Vaparoqlar shivirlar hazin kuy chalib.
Quyosh, quyoshliging yolg'on-u mubham,
Meni kuydirmading bitta qizchalik.

BOLALIKDA YOZILMAGAN SHE'R

Menikisan...

Yomg'irli oqshom

Yuragingda dukurlar nomim.

O, lablari la'li Badaxshon,

Menikisan – ishonchim komil.

Shivirlarda nafas qovushgay,

Undov chizar havoga hovur.

Men yetinchi osmonda qushday,

Xoqonlar-da poyimda qolur.

Menikisan, yomg'irli oqshom

Yomg'ir emas, go'yo "Dilxiroj".

Menikisan to'ro'zi mahshar,

Menikisan, ko'zlari siroj...

Tilim biytron andalib endi,

Yeseninman shu turishimda.

Shoir bo'lib birinchi she'rni

Qulog'ingga yozdim tishimda:

MENIKISAN!!!

Eslik tars yopildi, zarbidan
heskandi parishon deraza.

Jahling ham jozibdir, fusingar,
Jon bersam, sen jabr berasan.

Eslik tars yopildi, zarbidan
yuragi yopildi xonaning.

Achchiq dud sachradi yuzingga,
Ko'z oldim bemisl qoralik.

Eslik tars yopildi, zarbidan
bulutlar xo'mraydi g'ashlanib.

Arazing umrimdan uzunday,
Huzunday yopildi tashnalik.

Eslik tars yopildi, zarbidan
na dunyo tatir, na toj-u taxt.

Qolarga bu og'riq fuzunday,
Ketarga makon yo'q lojuvard.

Eslik tars yopildi...

ISFANDIYORGA

Qoramtir bulutday to'zib xavotir,
Oyoqosti bo'lar tuhmat toshlari.
Dovrug'i dunyoni tutar Bobotil,
Moziydan jilmayib boqar Qoshg'ariy.

Bolam, ko'zyoshingni Vatanday asrai!

Turkular yog'ilar Turkiston uzra,
Mitti yuraklarda uyg'onar g'ujur.
Solih kelinlar tosholma tusab,
Yana Qodiriylar kelar kun uchun.

Bolam, ko'zyoshingni Vatanday asrai!

Otangga o'xshama...
Yolg'onga tik boq,
Nomard-u nonko'rga, nodonga tik boq,
Ko'nglimda ne kechsa, to'kdim qog'ozga,
So'zinga jimjima qo'shmadim ilk bor.

Bolam, ko'zyoshingni Vatanday asrai!

Xoinlar xoqonday yursa-da garchi,
Kuyinchak ko'zlarda jo'mardlar sharif.
Tilingni bog'lasa nishon - aldanchi,
Ishon, haqiqatni ulug'lar tarix...

Faqat umidlamma, ko'shk ham, tillo ham,
Mendan qolsa shu she'r, shu istak qolar.
Musaffo tong uchun to'kilgan qon ham,
To'kilgan ko'z yosh ham muqaddas, bolam.

Bolam, ko'zyoshingni Vatanday asrai!

Ay, yodi ruhatfzo,
Ay, ruhi harir,
Layli zulf, lablari qo'qongilosim.
Ilanga yurak berdim - bisotim g'arib,
Faqat orzu qoldi - og'rigan sim-sim.

Kattimga suv tomdi, qog'ozga siyoh,
Isho'rinda - na zavq bor, na zabarijad bor.
Heating hushning xushro'y,
qaro xoling, oh!!!

Menda na Buxoro, na Samarqand bor!

-1281-



O, kuzak yomg'iri – ma'yus xirgoyi,
Xokisor xazonlar buxoriy gilam.
Ko'ksimda lolagan jarohat qoyim,
Ko'z yoshim dillashar tomchilar bilan.

Shul suluv og'riqning Majnuniman men.

Og'riqki, borligi muattar shodlik,
Labimdan sallamo uchadir faqat.
Xushfior gunafsha bo'yiday totli,
Og'riqki, oldida olam bir chaga.

Shul suluv og'riqning Majnuniman men.

She'rilarim qush bo'lar – munglig' musicha,
Bir kun yuragingga qo'nadi nogoh.
Men esa olovli hayajon ichra
O'lsam-da, armonim qolmaydi, voh-voh!

Shul suluv og'riqning Majnuniman men.



Shor'iga halovat,
Hilfiga daxma
topilmas, tuproqni to'zg'itar hiyla.
Ming yillar naridan Qul Xoja Ahmad
hikmatga chorlamish –
Qushlar siyrak.
Ma talotum tinar,
na tinar g'orat,
Bunyoni yetaklab borar so'qirlar.
Tubhidam shabnamda olib tahorat
mayasalar sojida,
Homdod o'qirlar...

Etakka aylandi kayvoni Umr,
Bir lahza seskandi Azozil – gallob.
Maanglayi Ka'bani o'pdi-yu...
Huvin
ruhini osmonga ko'tardi Alloh.

NASIMIY

1.

Sir, poyingga eltar buyuk Sir,
Yo'l axtarib, halak jon qushi.
Miq etmaydi bulutlar – tilsiz,
Boboquyosh – sogov donishim,
Osmon ochildasturxon emas.

Sirga yetgan sig'mas zaminga,
Chirmanda shay, chora ko'rilar.
Oyboltasi o'tkir g'animday
Tish qayraydi vahshiy bo'rilar,
Bo'rilar ki, og'zi qon emas.

O, shundayam yurak orzumand,
Umidlar – gul, anvoyi, alvon.
Tegramdagi to'zon-u tuman,
Targalsa-yu, ko'rinsang Mavlo.
Bir sen kerak, jovidon emas.

2.

O'lim – o'yin, tomosha go'zal,
Hayratimiz ortdi, Hazratim.
Shoir bo'lsa osdik, shoh bo'lsa,
Ko'ziga mil tortdik, Hazratim.

Olamda rost bormi, kim bilar?
Uyg'oq ovoz bormi, kim bilar?
Sabotq berib jimlik ilmidan,
Ustozimiz odil, Hazratim.

Shum nafsimiz jilvagar ilon,
Shul makkorning ilkida jilov,
Zohirimiz zeblangan, zilol,
Botqoq misol botin, Hazratim.

Sirga eltar ilohiy rishta,
Ko'ringaydur na o'ng, na tushda.
Ming yildir ki, bizlar farishta,
Faqat zamon qotil, Hazratim.

3.

Ming yildir ki, oshig'i olchi,
Nigobini yangilar xoin.
Tovonini to'larmi ochun,
Tovonidan so'yilsa shoir?!

Ori yo'qda bo'lmagay ohor,
Ayo, turkim, uyqung bitarmi?
"Anahq" deb, hayqirar daho
Uyg'onsang-chi...
Qulog'ing karmi?

TUN

1.

Ko'ngil qushga aylanar – uchqur,
Yaltiroq to'n kiyar tashqari.
G'uj yulduzlar yolg'iz sen uchun,
Qirg'in qilar kunduz lashkarin.

Erk kerakmi?

Mana bir osmon,
Quloching yoz – bir zamin havo.
Bir olam zavq – bir olam doston,
Ozoriyon og'riqlar zavol.

Sen Dovud yo Sulaymon hozir,
Izmingdadir borliq shu fursat.
Na boshliq bor, na qog'ozbozlik,
Dorda qalqan Mashrabday hursan.

2.

Chigirtkaning kuvi-da sohir,
Sarin shamol urar to'shimga.
Ko'lmakdagi oyning nigohi
Baytinga ganj bo'lib qo'shilgay.

Tungi ko'liday manglayi yorug' –
Tazod, talmeh tinchini buzar.

Ko'kda shuncha zabariad bor-u,
Ko'ngil nega faqat she'r tusar...

Erk kerakmi?

Mana bir osmon,
Obizamzam – bir zamin yomg'ir.
Cho'lpondanmi yo Shavkat Rahmon,
She'rlashaylik, Uyg'oqlar bormi?

3.

Farishtalar allalab, malak –
Noz uyquda uxlardi dala.
Qo'shiq aytdim, bersam-da xalal,
Hur ovozim tunga jilo deb.

Sehrlandim, naqadar shodlik,
Yulduz terdim, o, buncha totli!
Bulutlarga bosh qo'yib yotdim,
Tarix bo'lar bu istilo deb.

Tun tobora tovusday ko'rkam,
Ko'kning zeb o chiroyiga zeb –
Yuragimda gurlagan o'tdan
Yozib qo'ydim oyga "Dilo" deb.

4.

Ruhing nurga belangan butkul,
Na araz bor, na tund xotira.

Quchoqlashib so'rashmoq mumkin
Bunda hatto sharpalar bilan.

Yaproqlarning shiviri – Dugoh
Zarnigordir maysa ham, qum ham.
Hayqirasan – vujudi quloq
To'lqinlanar marvarid tun ham.

Tashbeh tutday to'kilar duv-duv,
Sen dahosan, kelguncha sahar.
Qo'llaringni kishanlar kunduz,
Shoirni tun kashf etar faqat.

TUSHKUNLIK

Osmon xomush,
junjlikar saboh,
Qunish tortar dov-daraxtlar-da,
Ko'chalarda alvasti shamol,
Shamol emas, sovuq xabarday.

Na qushlarning zavqi, na gulning
ifori bor she'rga solarlik.
Nahot, jo'mard yurak – dovulning
shiddati-da yaxlab qolarmi?

Chuchmomani mazax qilar qor,
Og'ir kuydek o'rtar g'am seli.
Ishon, bahor emas, bu bahor,
Beva qolgan uch kunlik kelin.

To'kiladi siyoh ham, sir ham...
Ko'kragingga bosib qo'lingni,
She'r so'ngida kutasan ilhaq,
Istarasi issiq o'limni.

Qayrag'ochlar qartaydi – rangpar.
Tillo tanga – sochildi xazon,
Ulg'aydi azob,
Tun tun emas, bahaybat sharpa.
Qani o'sha osmon – sehg'ar,
Izibali oq ham, qaro ham,
Ne tilasam bo'lardi bajo.
Quyosh – mayoq,
Hilol – hayajon,
Endi tashbehmi bu, jarohat?
Endi binafs'ha yo'q,
bahor yo'q,
Kuz esa musavvir,
sovuq ranglarda
Xazonrez bog'larga qilib ro'baro'
Faromush suratim chizar, anglarman...

Yolg'izlik ruhini yenggan odamday
Qovjirar tevarak – g'iyoh-u may'sa.
Shoir yuragimda – o'zga olanda
Yolg'iz sen o'shasan – to'ptosh o'ynaysan.

BOBO

1.

Bobo, men haqiqat izladim,
Qabringni izlagan kabi mozordan.
Oylab kelmadimmi, yillab kelmadim?
Ko'zlari ilhaqim, valine' matim.
Mana, cho'kkan qabr,
Xaroba qabr,
Ko'rpa qaviyotgan qari momomday,
Tashqari ko'rimsiz,
Ichkari jannat.

Bobo, men haqiqat izladim,
Vovaylo, zamin jim,
zamona jimdir,
Yuragimni o'yib omochday,
Haqiqatni yoz deydi kimdir.
Maydalashib ulgurdik qachon,
Mangubardi chiqqan elmi shu?
Ishora ber, ishorang najot,
Loaqal, sen bolangni tushun...

Bobo, bunda rafiq yo'q xolis,
Iztirobing ko'rgali baham.
Senga eltar yo'l esa olis,
Umr – toshbaqa.

Bobo, men haqiqat izladim,
Qabringni izlagan kabi mozordan,
Mudom nuri bo'lsin mangu Vataning.
Ha, aytganday Vatan...
Shoirarning bari yolg'on yozarlar.

2.

Bobo, Vatan yurakda o'sar,
Yurak o'sar unga bo'ylashib.
Meni tutib qolmadi go'za,
So'z ortidan ketdim ergashib...

Kafanlikka mengzab bayroqni,
She'r o'qidim, muzlab qoldi zal.
Botinim gung, sirtim sayroqi,
Sevgim emas, izhorim go'zal.

Bobo, mendan ketgan kuningday -
Aslim bilan - rostim aytaman.
Puch g'oyaga sadogatingday
Sadogatim yo'qdir Vatanga.

3.

Bobo, eski hujrani buzdik.
Momom loy tashigan ekan paqirlab.
Ertani shohona yashamoq uchun
Tarixni qo'pardik bir uy faqirlar.

4.

Bobo, huzuringga keldim yashirin,
O'limni-da olib bo'yninga.
Tevarakda qurolsiz raqib,
Hurkitdi kunimiz, tun-xobimizni.
Bu na dahshat, bir niqob taqib,
Yechdi ming bir niqobimizni.
Bu na dahshat, o'latmi, vabo?
Xiralashdi olam ranglari.
Zamoniga sig'magan daho
Shoirarni endi angladim.
Bu iymonga qaytmoq chog'lari -
Chorasizlik, muvaqqat uzlat.
"Hikmatlar"ga sho'ng'ib - poklanib,
Yassaviyni tavof etmoq shart.

5.

Bobo, har kimda ham nozik nuqta bor,
Axillesda tovon,
Prometeyda jigar,
Onamda buyrag-u,
Bolangda yurak.

Ichkarida bir ovoz - o'ktam
Qistayverar haqiqatni yoz.
Bobo, sening zamoningda ham
Bo'lganmi nazmboz-bazmboz?

O'ttizida o'ttizta kitob
yozganlarni shoir deb alqab,
ixlosimga o't qo'ydi, dooodi!
Men o'ttizga o'ttizta she'r-la
Yetaklashib kiraman nahot.

Tog' bo'lsa-da yemrilar sabot,
O'ttizta she'r ko'nglimga tumor.
Nozik nuqta dedim-ku, bobo,
O'lim bilan tanishligi bor.

6.

Bobo, men haqiqat izladim,
Haqiqatki, soqolingday oq.
Haqiqatki, zarhalmi, zahar,
She'rimga ruh, ruhimga mayoq.

Xotirimda...
Tuyg'ular tug'yon,
Ko'ngil asov tulpor mahali.
Ko'zlarimga bogardi dunyo
O'qilmagan kitobday halim.
Sahifalar ochildi, tamom,
So'zlar – bo'ri, nafratim qo'zg'ar.
Ikki kitob ichra tugading, bobo,
Paxta va ro'zg'or.

Keyin ketding...
Dunyo ship-shiydam,
Yashadimmi, chidadim qanday?
Huzuringga keldim oxiri,
Huzuringga keldim bosh urib,
Haqiqat sen bilan ketganday.
Haqiqat sen bilan ketganday.

7.

Bobo,
Mudom nurli bo'lsin mangu Vataning!



SIYOSAT

(ladid bobolar xotirasiga)

Uyqu harom uyg'onganda so'z,
 Uyqu harom toptalganda sha'n.
 O, siyosat – mil tortilgan ko'z,
 Ozodlikni xushlamas kishan.

Tug'ildingmi, yashamak jafu,
 Yo qulsan, yo ashaddiy yovsan.
 Ionsiragan qizil ajdahu,
 Qonsiragan bo'ri – siyosat.

Nayranglari oshkora, sirli,
 To'g'on bo'lar isyonkor yo'lga.
 Tirigida xo'rlar shoirmi,
 Podshoni o'lgach.



Tashqarida bahor – hurliqo,
 Ichkarida vahima jadal.
 Qadrdon ham, qalqon ham niqob,
 O'lim xavfi kezar ko'chada.

Yashagisi kelar odamning,
 Tutqunlikda, tanholikda ham.
 Mozorlarday sokin, vodarig',
 Shovqinga boshqorong'i shahar.

Xojam deya ko'tarib suron,
 Sajda qilgan kaslar – tumonat.
 Uyg'ondimi ko'nglingiz – mudroq,
 Fosh bo'ldimi soxta xudolar?

Qo'rquv yovday bosar yer sharin.
 Jim kuzatar Rahim-u Razzoq –
 Bir kechada bani basharni
 To'rt devorga qamab qo'ygan Zot.

Xushbo'y nasim olamni tutdi
Siz ertakdan chiqib kelganday.
O, go'zalim, olovsiz, xuddi –
Usmon Azim yozgan she'rlarday...

Bu ne taqdir – aytiliq.
Osmon
alamini sochdi yerlarga.
Ko'ksimda bir og'riq – yosuman
Usmon Azim yozgan she'rlarday.

G'ijimlanar barmoqlarim – musht,
Ko'zlarim qontalash, serzarda.
Men tonggacha g'amingin, faromush
Usmon Azim yozgan she'rlarday.

Ming yil o'tdi...
Faqat siz a'lo
Qiz zotiga qirg'in kelganday.
Aytдим-ku, siz olovsiz, olov
Usmon Azim yozgan she'rlarday!!!

Sen bir xayol – tungi shu'ladek,
Sen bir orzu – Layliday go'zal.
Kulgichingga cho'kib ketar erk,
Jodulasa yovvoyi ko'zlar.

G'ussa – xazon, yog'ilar hazor,
Gar chekinsam, Majnunim, dema.
Tutqunlikda rohat bor raso,
Sultonlarning baxti baxt emas.

Garchi ag'yor g'azabnok, qattol,
Shafqat bo'lmas muhorabada.
Visol – rizvon, uzanmoq, hatto
Shahid ketmoq sharaf naqadar.

Isming aytib, shom-u-azonda
Tipirchilar ko'ksimda qumri.
Parizoda, bu ne nazokat,
So'zim bitmas, bitadi umrim.

Sen bir orzu – Layliday go'zal!!!

IASORAT

Paykon yo'llab purviqor tog'ning
cho'qqisidan parcha yemirmoq,
yo oq otda oralab bog'ni
parlarning tushiga kirmoq,
yo uch boshli devmi, ajdaho?
kuragini ishqamoq yerga,
benomus yurt so'ragan zahot
changa solmoq bo'g'ziga sherday
imkonidir, tag'in bernalol
suv o'zanin burmoq teskari,
shiddatimdan dengiz-u olov
ilohlari turar seskanib...

...Qara, sukut cho'ndi o'rtaga,
Topilurmi najot yo chora?
Faqat sening hajring o'rtagan
Tundan omon chiqmoq jasorati!



Mana bu gul – yuragi siyoh,
Chakkangga taq, gulni bezab ol.
Mana bu tosh, mana bu giyoh,
Mana bu qush – mendek bezabon.

Mana bu so'z – g'ussadek yoniq,
Tizlarimni titratar hatto.
Tomog'imda tutqun, isyonin
Manglayimga bitganni Xattot?

Asli mening ko'zlarim shoir,
She'r o'qimas sendan boshqaga.
Cho'g' bo'lardi mana bu joying,
Ko'z tilini tushunsang agar.

Mana bu men – xazon-u haqir,
Mana bu so'z, so'z emas qasam,...
Aytсам, vido naqadar yaqin,
Bo'g'zim mangu kuyar aytmasam.

SHE'RIM

Bunda yog'iy bo'lmas tazod,
Ohangi xush dahr bo'lgay.
Sarvim!
Tamsil topmoq azob,
Ko'zim yoshi nahr bo'lgay.

She'rim – sharqona-yu g'amin,
Tashbehlar tovlanur – rangin,
Qonim ila yozsam hamki,
Na fazl, na faxr bo'lgay.

Sel qilguvchi suvoram she'r,
Gardim to'kib yuborar she'r,
Sening vasling muborak she'r,
Ham ziyo, ham zaxm bo'lgay...

Qo'ling so'rsam, oh, g'izolim,
Sukut qilsang ham rizolik.
She'rim ganjinam-u, hozir
Na qalin, na mahr bo'lgay.

Eshikni qulflayman.
Men – baxtli odam,
Tashqarida qolar dunyo – bozingar.
Tashnalab ruhimga ob-u havoday
Burchagida sana – tarix yozilgan.

Katimda sarg'imtil, uvada surat.
So'zinga mahliyo, shonimini sevmas,
Toyinsam tomosha, bo'g'isam bayram,
Tashqarida qolar badnaf's devlar,
Tashqarida qolar hiyla-yu nayrang.

Katimda sarg'imtil, uvada surat.
Tirqishdan mo'ralar dilgir, jilvagar
Qonimga qonmagan telbavor orzu.
Ko'ksimga cho'g' bo'lib tushmasa agar
Men eng yaxshi o'g'il bo'lardim hozir.

Katimda sarg'imtil, uvada surat.
Shamchiroq nurida o'ngigan bo'yog,
Nimqorong'i xona, xontaxta, guldon.
Charxpalak teskari aylanar go'yo,
Bolalikka qaytib sultonman, sulton.
Katimda sarg'imtil, uvada surat.

MITTI XULOSA

1.

(Umr)

Charxi davvor behisht tuyular,
Hayajonga do'nar xumorlik.
Kelishingni tabassum bilan
Qarshi olar ichlikkan borliq.

Holva bo'lsang, gullar shodumon,
Polvon bo'lsang, suyungay toshlar.
Soyang ham baxt ulashib – humo,
Yuraklarni isit quyoshday...

Ajal esa so'ramas izn,
Umr yo'ldir, tongdan tushgacha.
Ketaringda yorishib yuzi,
Kuzatmasin birov xushchaqchaq.

2.

(Mansab)

Ayg'ochchilar yo'lga tiklar,
Yuraklari g'arib, g'uborli.
Kelishingni tabassum bilan
Kutib olar ig'vogar borliq.

Vijdon – Ko'kdan armug'on ma'dan,
Xushomadga sotma g'ofildek.

Haqqa habib yuraging – madad,
Diydalarga quvonch ek, baxt ek.

Nogoh taxtdan qirqlisa izing,
Pinagini buzmasa ham charx,
Ketaringda yorishib yuzi
Kuzatmasin birov xushchaqchaq.

Xosiyat (opa) Rustamovaga

Nazmiy saroy.
To'g'onmi tirgak?
Shon talashsa kazo-kazolar.
Poygaktadagi jujuq shoirga
Yelka tutmoq ulug' jasorat.

Jasoratdir tag'in hulvoli,
So'zdan nafis chaman yaratmoq.
Ayol boshi bilan dunyoni
O'zbek degan yurtga qaratmoq.

HOLAT

...ga

1.

Gir aylanar shamol – so'zamol,
 Hasratlari xayolga xalal.
 Dilgir osmon, badar kezaman,
 Iztirobdan irodam baland.

May yomg'iri mayin pichirlar,
 Tabassum – qush, qo'nar yuzimga.
 Meni g'addor dunyo ichidan
 Tortib olar mungli musiq.

2.

“...bo'sa nima?
 U so'zsiz g'azal”¹
 Ikki oshiq dilning bog'ichi.
 Vo hasrato, hijronim hazor,
 Lablarimda g'azal sog'inchi.

Ko'zim yumsam, ko'zlari portlar,
 Musiqorday uchaman hozir.
 Kuylayotgan bulbulmi, yo Rab?
 Qanot bo'lar sohir ovozi.

¹ Maqsud Shayxzoda satiri

Sehrlaydi borliqni nola,
 Sel-u selob bo'lib oqar dard.
 Na araz bor, na g'araz, olam
 Boshdan-oyoq kuydan iborat.

3.

Yetmish ikki tomirimda nur,
 Ohanrabo xonishingdan mast,
 Men o'ynog'i kapalakday hur,
 Bu dunyoning odani emas.
 “Dooset daram, dooset daram...”

Neki og'riq bo'lsa zavoldir,
 Kuy-u kalom – yengilmas qo'shin.
 Voajabo, ajaldan oldin
 Yuraginga chang solar qo'shiq.

“Dooset daram, dooset daram...”

Ruhim ko'kda qiladi yallo,
 Atrofida hur-u paridur.
 Sen hofizmas, mehribon jallod,
 Shirin o'ldirasan, Faridun.

“Dooset daram, dooset daram...”

Neki sir bor, fosh qilar xilvat,
"Voy, alamjo-o-on" – yirtilar tomoq.
Fig'onini nazarga ilmay,
Suvga sho'ng'ib ketar Oymomo.

Zulmat – yuh, yamlamoqqa shay,
Yulduz misol bodroqlar kadam.
Yuragini o'pirgan she'r qay
Olimagan o'pichga badal.

Tevarakka xo'rsiniq sachrar,
Qon so'radi zimiston – zuluk.
Ilinji nur bo'lsa-da garchand,
Sirtmoq tutar qop-qora g'ulu.

Neki sir bor, fosh qilar xilvat,
"Voy, alamjo-o-on" – yirtilar tomoq.
Fig'onini nazarga ilmay,
Suvga sho'ng'ib ketar Oymomo...

Tun, Oymomo, ayriliq – xo'rlik,
Qurbagalar nag'maga chechan.
Nahot tongga yetmaydi sho'rlik,
Shoirida ne qasding bor, kecha?

SAVOL

Ilhaqman-u, tog'dan sado yo'q,
Ilhaqman-u, osmon-da sokin.
Savolim yo og'riqli, yo jo'n,
Dov-daraxtlar ilmsiz yoki.

Men Temurning avlodi bo'lsam,
Qonimdagi qo'rquv qayerdan?

Suv quygandek atrof-javonib,
Na bir sas bor, na bir ishora,
Qaro devolmasam qaroni,
Tilimni kim qo'rgan tushovlab?

Men Temurning avlodi bo'lsam,
Qonimdagi qo'rquv qayerdan?

Aslida bu – yuragimda dog',
Sha'n-rohingga tiralgan qurol.
Uyg'ot meni, saboq ber, saboq,
Tolgon yutib oldingmi, Turon?

Men Temurning avlodi bo'lsam,
Qonimdagi qo'rquv qayerdan?

YIG'I

1.

Sindiradi lablar to'sig'in,
Ozodlikka chiqar hayqiriq.
Oqbo'yraning siri qo'shig'i
Tunni ishg'ol qilar ayqirib.

Yig'lagisi kelar odamning.

Sochingdan to'tovoning titroq,
Shabiston-u shamolga mayna.
Shu majnuna holingda ham, boq
Zaminda eng baxtisan, Zaynab.

Yig'lagisi kelar odamning.

Kurash ko'rmay yengilmog'alam,
Yupanch bo'lmas silliq qofiya.
Qon yurakka botirib qalam,
Oyga qurbon bo'lar ofiyat.

Yig'lagisi kelar odamning.

Na malak, na falakda vafo,
Ovutolmas shig'ir, na iloj.
Xazon kelar, qor kelar, bahor...
Yig'i kelmas, yig'i, na iloj.

Yig'lagisi kelar odamning.

2.

Umid - Zuhul, so'ngan onida
Xayol - chopar, o'tmishga chopar.
Bolalikning billur tongidan
Eng chiroyli yig'ini topar.

Bir entikar hōrigan vujud,
Yurak peshvoz shirin g'amlara.
Xuddi tasbeh donasi, inju,
Qaqrab yotgan diyda namlanar.

3.

Tomog'imni tirnaydi uh-hhh,
To'rt tomonim qibla alhol.
Majnun qadam bosgach, qutlug'
Qadamjoga do'ngan sahro.

Cho'llab-cho'llab ketmoqdaman.

Ko'ksimdagi qush yarador,
Devonalar dargohiga
Daydi epkin bo'lib mador
Yoboni-yu yantog'iga,

Salom yo'llab ketmoqdaman.

Bu ne tortiq, be ne orom,
Changog'imni bosar ko'z yosh.
Ay, dilfro'z, ay, diloro,
Isming qumga yozar ko'z yosh.

Ruhim gullab ketmoqdaman.

Otangga cho'p otsang,
Tosh bo'lib qaytar,
Hikmat bu – sim-siyoh ko'ngildan yiroq.
Birovdan ko'chirma bo'lsa ham aytay,
Mening merovligim – sochingdagi oq.

Falakdan kuzatar faylasuf quyosh,
Bir nihol gullaydi,
bir daraxt nurar.
Ulg'ayar bolamning qo'lidagi tosh,
O'ylasam, o'yilib chinqirar yurak.

Bolalarni uyg'ot, shoirim,
Oftob bo'lib so'zing – yarog'ing.
Ixtosim-u ishonchim tirik,
Yuraklarga qaytsin Tarobiy.

Bolalarni uyg'ot, shoirim,
Nurga ilhaq g'uncha-yu kurtak.
Izlarini qirar xoinning
Manguberdi tug'ilgan yurtidan.

Bolalarni uyg'ot, shoirim,
Daydi itday izg'ir jaholat.
Kurashgaydir yoningga kirib,
Ertangi sulton-u daholar...

Uyg'otmasang, uyg'onmasa gar,
G'afiat-u g'am qoplasa yo'lin,
Millat qonin so'rar ertaga
Qobilmi¹ yo noqobil bo'lib.

Bolalarni uyg'ot, shoirim!

¹ Qobil – Odam Atoning o'g'li.

Siz uxlab qolasiz, bilmaysiz,
Qo'ng'iroq jiringlar asabiy.
Samoga sochlar, samoga
Tutunga o'ralib g'azabim.

Siz uxlab qolasiz, bilmaysiz
Ko'nglimda ne o'ylar kechganin.
Yuragim – qip-qizil daryoda
Titroqlar qirg'oqday ko'chganin.

Siz uxlab qolasiz, bilmaysiz
Na shoir, na Majnun odamni.
Bo'salar yuborib havodan
Siz ko'rgan tushlarda bormammi?

Siz uxlab qolasiz, bilmaysiz
Yarim oy bo'zarib to'lganin.
Siz orom olgan tinch dunyoda
Tonggacha nimalar bo'lganin.

Siz uxlab qolasiz, bilmaysiz.

TO'QQIZINCHI FEVRAL O'YLARI

1.

Bu haykalning tevaragida
selfi tushar suluvi Layillar,
Layilarki – zulfi Zarafshon.

Bu haykalning tevaragida
o'ris kampir kuchugi bilan
sayr etadi har kuni oqshom.

Bu haykalning tevaragida
g'ir aylanar dimog'dor shahar,
Na shoir, na she'rga xushi bor.

Bu haykalning tevaragida
faqat, so'zga Majnunlar faqat
Etining bir jimirlashi bor.

2.

Bu haykal kimgadir ulug'vor,
Kimgadir oddiy tosh,
sangtaroshning san'ati, xolos.

Ammo menga qiziq:
Umrini hazratning xazinalarin

sinchiklab, uqmoqqa baxsh etgan,
u haqda bo'yiday kitoblar yozib
va hozir
ko'zlari nursiz avlodga
uning daholig'in ma'ruzalarda
bot-bot isbotlashga urinayotgan
olimning
shu haykal yonidan
o'tar mahaldagi o'ylari.

3.

Ammo bu kun – bu boshqacha kun,
Yetidan to yetmishga qadar
(Avliyoning hurmati uchun)
saf-saf bo'lib kelar sahardan.
Mijja qoqmay yodlangan g'azal
yosh qizchaning tilida takror
adashmaslik uchun sahnada.

Haykalining tevaragida
balki uning ruhi – shodumon.

Bayt sharhlaymiz, ruhi shodlanar,
Sharafaymiz, ruhi shodlanar,
Gulchambarlar to'shab poyiga
Keyin qarsak muhim....
Shodlanar.

Bu shunchaki faraz, ehtimol,
She'r tinglab ko'k, tuproq shodlanar.
Akrom Malik chiqsa ochiqqa,
Balki, ruhi ko'proq shodlanar,
Balki, ruhi ko'proq shodlanar!

4.

Kechiring, biz noraso avlod,
Qo'llimizdan sizni olqishlab,
"Kelmadi"ni aytmog keladi, xolos.

DARAXT

Abdulla Qodiriyga

Quyosh yo'llin to'sa olar kim,
To'zib bitdi qora pardalar.
Ildizingga chang solgan mal'un
Qizil ajdar ketdi davradan.

Vujudimda o'rmalar farah,
Yaproqlaring – ko'ngil ohlaring.
Buncha baland o'sding, ey daraxt,
Yulduzlarga tegdi shoxlaring.

FOJIA

Sen bilan bir umr qolmog'im uchun
 chiroyli turmamlar shart emas,
 sinovlar, g'urbatlar shart emas,
 shart emas bo'ylashmoq oy bilan,
 saharda jilmayib jo'natmoq ishga,
 tunda kutib olmoq issiq choy bilan.
 Tuvalda karnaygul o'stirmoq yoki
 sochingni o'stirmoq tovoniga qadar
 shart emas, qushlarni sevmog'ing
 Yo palov tayyorlash bir menga atab.
 Shart emas, tug'ilgan kunim oldidan
 Quyoshni qarshilab nimcha to'qimoq.
 Yoki yuragimga cho'kkan xotira –
 nimjon she'rlarimni yig'ilab o'qimoq.
 Shart emas...
 Shart emas...
 Shart emas...
 Sen bilan bir umr qolmog'im uchun
 o'g'limning onasi bo'lganig yetar.

Qish tunlari o'ylardek uzun,
 Arosatda pahlavon kelbat.
 Ioningning jon tomirin uzib
 Qorparchalar sochadi fevral.
 Omboringda ko'mir muammo,
 Qatiraysan, qo'llaring yupqa.
 Zaitfang-ku mo'mina, ammo
 O'chashganday ayoqda tuqqan.
 Ko'z yumasdan, otang ko'rinar,
 Ko'z ochasan, ko'rinar bolang.
 Ko'zlaringga xato ko'rinar
 Sho'r tuproqdan pishgan zuvalang.
 Otilasan eshikka so'ngira,
 Axir hukm o'tkazmoqda qish.
 Qanday og'ir – ezilib, ho'ng'rab
 Otang ekan o'rikni kesish.

* * *

Oq yo'l...
Onaning ko'z yoshi aralash,
Otaning ertangi umidi.
O'g'lini kutardi kelajak.

Oq rang – musaffollik,
Oppoq orzular bilan
shaharga jo'naydi poyezd va o'g'il.

Yuzi g'adir-budur otaning
sogolida oq – nuroniylik,
Sochida oq – o'lim haqligin
va Allohni eslatar bot-bot.

Shayton esa qiyomatgacha
oqar odam qonida.
O'g'il adashgan satang.
Attang.

Yurt yuziga bosilgan oyog'i bilan
qon kechadi muhojirlikda.
Endi oq rang qo'rqinchli...
Ona oqgon.

Kul bosadi yurakning cho'g'in.
Kezib yurar qora dunyoda
otasiga oq bo'lgan o'g'il.

VATANGADO

Aylanar charx, dilbar fasllar,
Bog'-u bahor ochmaydi quchoq.
Xotiralar qaro qasir'ga,
Ta'qib qilar o'rikach-o'rikach tog'.

Xumori xush ajnabiy yurtida,
Subhoni-yu chapazak, charos.
Yolg'izlik yov, yuhoday yutar,
Yurak – dashtga ichikkan saroy.

Ta'qib qilar yer chizgan oraz,
Ta'qib qilar o'rikach-o'rikach tog'.
Gijda nonmas, Quva anormas,
Qop-qop qarg'ish yuborar qishloq...

Mo'ltiraysan – bechora, yupun,
Tarix shunday kechar azaldan.
Sogolingga sachraydi tupuk,
Yuz o'girib ketar Ajal ham.

MUNG

1.

Bola edim, gavron ot minib,
Yarashardi quvonch-u quvlik,
Ko'zlarimga chizilding qaydan?

Sen, onam dast ko'targan ketmon
chopganiday yovvoyi o'tni
chopilmading, ildizing qayda?!

Bola edim – olam serjilo,
Qor bosganday bosildi suron.
Ketar dedim yig'ilar bilan,
Ko'zlarimga botding chuqurroq.

2.

Otam bilan o'qishimga deb
qarz so'rading yurib uyma-uy.
Oh, sho'rlikning yuragini yeb,
Men sen sabab bo'larman buyuk?

Senda bari iltijolar jo,
Kattalashib bording tobora.
Darvozalar dongdor, benajot,
So'nggi ilinj soyaday borar...

... Otam oqshom qaytdi – baxtiyor,
Kafida pul, tillari burro.
Ko'zlaridan chiqib ketding-o-o-o,
Ko'zlarimga botding chuqurroq.

3.

Sen – quyoshni sog'ingan bog'ning
Chilladagi cho'ng nolasiday.
Bir lahzaga qalqan sirtmoqning
bir umrlik hikoyasiday.

Sen shabnamdan, yurak yongulik
tunning tongga yozgan xatidan.
Bahorlarni bezagan gulning
kapalakka xiyonatidan.

Sen vidoga ulangan visol,
Armug'on sen, ashk sen, nadim sen.
Ayvondagi qaldirg'och misol
Qarog'imda bolalading sen.

Sen hayot-u mamot orasi –
Bago sari eltar yo'lmsan?
Qay shoirning o'gay bolasi,
Qay sultonning yetim o'g'lisani?

4.

Chopilmading, ildizing qayda???

SINFDOSH QIZ

1.

Darslarda darz ketib xayol,
Yuragimda bog' – yalpizi.
Hurga mengzab husn-u hayo
Sariq ko'ylak kiygan qizni.

Beshinchida o'qirdik.

Beshta oshno, beshta Majnun,
Bodi shoir qilar yodi.
O'tgan mushim – rashk-u ranjim,
Totgan mushim biram totli.

Beshinchida o'qirdik.

Hovuchimda moviy osmon,
Nash'alarim janbil isli.
Men – lahza kashf etgan rassom,
Daftaringa yurak chizdim.

Beshinchida o'qirdik.

2.

Yuragimda rayhon o'sib,
Ildizlari uyg'oq edi.

Kafti bilan yuzin to'sib,
Sinfdosh qiz yig'loq edi.

Dudoqlari tog' olchasi,
Qaramaslik gunoh edi.
Aytib bersin ro'molchasi,
Sinfdosh qiz yig'loq edi.

Ko'zlarimda gullab bahor,
Hislar momaqaymoq edi.
Achinnasdi durga, nahot,
Sinfdosh qiz yig'loq edi.

Orzu – osmon, oyga shoshdik,
Axir, manzil yiroq edi.
Xayr, maktab, xayr, yoshlik,
Sinfdosh qiz yig'loq edi.

3.

Bor g'uborin to'kdi bog'lar,
Nayson keldi, kelurmisan?
Sochlarimga Ulug'tog'dan
Bayzo keldi, kelurmisan?

Bu ne sog'inch, uzo-o-oq keldi,
Sitamdan yo'l tuzab keldi,
Saraton-u kuzak keldi –
Xazon keldi, kelurmisan?

Kiprikklaring shoh asardir,
Yozsam, o'lda yogasanmi?
She'r – bedavo, shum kasallik –
Jazo keldi, kelurmisan?

Ming yil kutdim, bitdi muhlat,
Chorlamishdir rafiq ruhlar,
Hurilar halak, yotsam uxlab...
Qazo keldi, kelurmisan?

MAKTUB

Kitobingdan xat chiqdi nogoh,
Butun sinf pichir-pichirda.
Ko'zlaringni yashirding darhol,
Kimdan shubha qilding ichingda?

Kitobingdan xat chiqdi nogoh,
Sen uyatchan, sen xijolatda.
Bilarding-a, bitta ko'ngil bor
Muallifi noma'lum xatda.

Kitobingdan xat chiqdi nogoh,
Uyga qaytdim tirnab ich-etim...
O'tib ketdi yigirma bahor,
O'sha xatni yozgan men edim.

Ayo, sevgimi!
Qaqradi lablar
tashnalariday tamshanib ko'kka.
Bir yutoqib yutdi hilolni
Nahanglarni ko'rib bo'ldik biz.

Ayo, sevgimi!
Shabiston aro
kaptar bo'lib uchdi shohbaytlar.
Yuragimiz oqdi – ogardi
saharlarni ko'rib bo'ldik biz.

Ayo, sevgimi!
Hayot xazonrez,
Zahar tutdi hovuch-hovuchlab.
Hali o'lib ko'rganimiz yo'q,
Jahannamni ko'rib bo'ldik biz.



1.

Gul visoldan, xazon g'ussadan
She'r o'qiylidi - ko'z yoshday tiniq.
Tutqatorda qolgan bo'saday
Shiralidir jilg'aning tili.

Hilol - roviy, ertagi uzun,
Shu'la balqir intihosida.
Ko'lna tog'lar - botirlar - so'zi
lasoratga undar vosita.

Tili chuchuk boladay bahor,
Yomg'ir esa qo'shiqdir, nolon.
Har zarraning aytar so'zi bor,
Eshitguvchi quloq yo'q, xolos.

2.

Bo'yinbog'ning tili - maddoh til,
Olqish sotib olar ulgurji.
Vijdon tili cho'rakesar, qotil,
Atrofiga yaqinlab ko'r-chi...

Bizning kunlar "mo'ysafid qog'oz"
Tilga kursa, chehralar iliq.
Eng jarangdor, eng ulug' ovoz,
Eng o'tkir til - kursining tili.

She'r bir ko'zgu, yurak tilinib,
Jo'n libosga jozib ruh bermak.
Achinasan, shoirning tili -
Bechora til, bor-yo'g'i ermak.

Tun...
Shoirning baxtiday qaro,
Xotiralar mendan o'ch olar.
Jonim zarif g'ussalar aro
Sochlaringdek uzun kechalar.

Tun...
Ko'ksimda ulkan alanga,
Cho'g'lanadi yulduzlar - chaman.
Sezdim: borsa kelmas yaralgan
Sochlaringdek uzun ko'chalar.

To'rt tomonim sen - sohibjamol,
Boshim oqgan tomonga yurdim.
Meni tezroq nigohingga ol
Sochlaringdek uzunmas umrim.

Namozshomning qaro zulfidan –
zulmatidan qo'rqma, parizod.
Oldindadir sohir subhidam,
subhidamday safoli visol.

Xurram xattlar eltar (o'n, yuz, ming)
oqar suvlar – garchi bo'tana.
Hoshiyasini bezagan isming
jirovlariday kuylab o'taman.

She'r bo'lursan – bo'ylari hulvo,
Asrlarni yengar-ku yozuv.
Axir, so'zdan Registon qurmoq
G'aribingga bolalik orzu.

So'zlarimning guhəri o'zing,
Ta'rifingda shohbaytlar qosir.
Dushman bosgan o'lkaday to'zir
husni tahlil, tashbeh, tanosub...

Kel, shomlardan qo'rqma, parizod,
Nahot zarra marhamating yo'q.
Cho'kib borar g'ururim – Hisor,
Bir shoirning uvolidan qo'rq.

BOLAKAY...

Bolakay,
g'urur otameros,
g'urur bobomeros,
Egilib yashamoq o'limdan qattiq.
Burgutga tutqunlik,
bo'rığa hadik,
Yigitga yaltoqlik yaraşmas, zero.

Na yarog', na yovga egilar bu bosh,
Na sitam-sinovga egilar bu bosh,
Na g'ofil, na g'ovga egilar bu bosh,
Egilgan boshlarni qilichlar kessin¹
na sadr-u siylovga egilar bu bosh.

Yolg'iz sen istisno,
ishorang amr,
Qatorda norim bo'l, og'irdir yukim.
Istasang, poyingga cho'kib, dagarim,
Bog'ichingni bog'lab qo'yishim mumkin.

¹ Shavkat Rahmon satrl.

Kuzgi osmon motamsaro,
Bulutlari ketdi to'zg'ib.
Vido keldi, olam qaro,
Nido keldi, kuydi bo'g'zim.

Xazon uzra kavsari ob
to'kildi tiyra mujgondin.
Qarog'im - g'amguzor kitob,
O'qisang, nola g'ujg'ondir.

Kulgichida kunduz yashar,
Partizodam, senmisan, ayt!!!
Dahri dunni lak-lak lashkar
emas, sevgi etar-ku zabt...

Qaysman, qaddi gul, guharim,
Hajring ham nur, ajrdayin.
Evoht, Navoiy yo'q, mani
doston qilar Majnundayin.

Kuzgi osmon motamsaro....

Kut meni
kunduzlar, kechalar,
Parishon, yuvoshim, kut meni.
Labingdek qirmizi ishq uchun
Kulgichi quyoshim, kut meni.

Kut meni
kunduzlar, kechalar,
Shamollar, yong'irlar, do'llarda.
Qonimdan gul chizib ishq uchun
Sen tomon ketyapman yo'llarda.

Kut meni,
kunduzlar, kechalar,
Siyambar, sumbati sanobar.
Jonimning ildizi ishq uchun
Farhodman, Majnunman, San'onman.

Kut meni
kunduzlar, kechalar,
Oh urib, ozorlar oraman.
Loaqal, emaklab so'nggi kun
Oyog'ing ostiga boraman.

Kut meni...

HAYOT

Mushiti qattiq hayot, mushtipar hayot,
Gohi qo'rqinchli tush, gohi sohir tush,
Ko'hna to'liqlarda sapchiyman qayon?
Bir qirg'oq halovat, bir qirg'oq urush.

Tug'ilmoq hukmdir, qazo hukmdir,
Oraliq – ko'z ochib yumgunchalik yo'l.
Tarlonday yayradim, sherday o'kirdim,
Hayot – orzuli yo'l, hayot – hadik yo'l.

Eng sodiq habib u, eng makkor dushman,
Ko'ngilday farishta, ko'ngilday yovuz.
Navozish navolar ingroq tovushda,
Irganch intiqom u, bosilgan hovur.

Bir garasam olov, bir garasam suv,
Haybati chakalak, hayrati chaman.
Hayot – she'rimdagi bevafo suluv,
Men seni sevaman...
Nafratlanaman...

Mushiti qattiq hayot, mushtipar hayot...

TO'YING KUNI

Sen ketasan, yig'lab ketasan,
Xayrlashar yo'llar, daraxtlar.
Endi kimga aytar ishqimni
Sandig'ingda sarg'aygan xatlar.

Sen ketasan, yig'lab ketasan,
Chiroyingga to'sib paranji.
Chinqiraman tugib mushitimni
Boy bo'lmagan otamdan ranjib.

Sen ketasan, yig'lab ketasan,
Birga yig'lar ko'ngli bo'sh yanga.
Yuragingdan yerga tushdimmi
Ko'tarilgach baxmal go'shanga?

Sen ketasan, yig'lab ketasan,
Bu ne ertak – mungli nihoya?
Meni g'ajib tashlar tushkunlik,
Bo'sag'angga yiqilar soyam.

Sen ketasan, yig'lab ketasan...

O'QITUVCHI

1.

Yo'l – cho'kirlik, haqiqat avlo
Cho'ng kitoblar bezabon ovunch.
Yonib tursa navqiron avlod,
Navoiyga yetaklamoq burch.

Tun qorong'u...

Ilinji nuri,

Yurak uyg'oq, yorug' kechimma.

Bolalarni uyg'otmoq – hurlik,

Xiyanatni Xudo kechirmas!!!

Ruh baxsh etar munavvar o'yi
Baytullohga yetgan kishiday...
Uxlab qoldi o'tirgan ko'yi,
Payg'ambari ko'rdi tushida.

2.

U hech narsa qilmadi – beayb,
Tongda chiqib, qaytdi namozgar.
Yashayverdi shiddat, ruh bermay
Ichidagi sokin ovozga.

U hech narsa qilmadi, tamom
Ne yillarni yengdi yiqilmay.

Buyuk avlod bor edi, avom,
U o'ldirdi hech narsa qilmay.

So'rog'im bor – mungli qo'shiqday,
So'roq – o'kinch, chandig'i ulkan...
Uxlab qoldi yumshoq to'shakda
va tush ko'rdi – besarhad gulxan.

3.

Xiyanatni Xudo kechirmas!!!

QACHON...

Qachon ro'yob bo'ladi ro'yo,
Qachon tinar davkar dolg'alar?
Yurak to'xtab qolgudek go'yo,
Yanog'ingga yetkanida lab.

Tush-ku shirin, achchiqdir hayot,
Ishq – xunoba, jilmayar raqib.
Sen shu qadar yaqinsan, xayol
lahzalarida yetkudek yaqin.

Menikisan bir qadam bossam,
Oyog'im shol, qo'llarim gadoy.
Qachon qulab tushadi osmon,
Qachon senga yetishaman, OY?!

Senga atab she'r yozdim,
Yuragimni hovuchlab.
Bo'g'zinga keldi bot-bot,
O, muattar sog'inchlar.

Senga atab she'r yozdim,
Har imlosi mehrdan.
Bu xayoliy munojot,
Ey, ko'zlari sehrgar.

Senga atab she'r yozdim,
Ruhim sarxush sarosar.
Sen Tangrimdan mukofot,
Sen Tangrimdan jazosan.

Senga atab she'r yozdim,
Kuyi ko'nglimday hazin.
Meni eslatib bot-bot
Qizchalaring yodlasin.

Senga atab she'r yozdim...

BOKS. RIO-2016 **OLIMPIADASIDAN SO'NG**

(Rafiqamga)

Turkona zarb devni yiqitar,
Siz Alpomish – yurtiga qaytgan.
Al-Beruniy kashf etgan qit'a
Talmovsirab qoldi hayratda.

Quvonchi she'r, samimiy izhor
Bu maddohlik emas – tasanno.
Ich-ichimda ismsiz hislar
Shahobiddin, Shahram, Hasanboy.

Ruhim asov, g'ayratim oshar,
G'alabalar naqadar shonli.
Ahli dunyo, mana tomosha
Bu bolalar O'ZBEKISTONlik...

Yuragim sel...
Qorasochim, kel,
Erkalayman tunlar uyg'otib.
Tojmahallar qurib beray, sen
Fazliddinlar tug'ib ber, xotin!
Bektemirlar tug'ib ber, xotin!!
Murodionlar tug'ib ber, xotin!!!

Oppoq ko'ylak, gulli bo'yinbog',
Qora tufi, yaltiroq soat.
Shu kelbatga tasadduq ro'mol
Bostirmada govmishni sog'ar.

Tor sahnda qishloqi shamol
To'zonidan jirkanar tufi.
Odimlaydi mashina tomon
Masofadan ochgancha qulfi.

Moshin jo'nar...
Eshik ochilib,
O'tmishimni solib yodimga
Bug'doyzorga ketar shoshilib
Yamoq kamzul, yirtiq botinka.



TARIX

Masxaraboz – dovyurak jinni,
Chehralarda yoniq qahqaha.
Lutf ortida achchiq kesatig,
A'yonlarning nigohi zahar.

Kinoyalar – ildizi kurash,
Qilmishlar fosh, podshoh g'azabnok,
Jabrdiyda odamlar – yuvosh,
Ich-ichida aytar tasanno.

Qonsiragan barzangi jallod,
Hukm yangrar: "Tillarini qirg..."
Masxaraboz bezabon, ammo
Yuzlarida mazaxli qiliq.

Masxaraboz – dovyurak jinni!



*Aqto'be fojiasida vafot etgan 52 o'zbek
xotirasiga*

Dahshat asli nadir...

Uyqung buzdimi?

Ajalning xufyona ta'qibi – dahshat.

Uchib borolmasa mo'min buzruging,

O'rtadagi cheksiz chaqirim – dahshat.

Samandar qushlarim, tanti qushlarim,

Bu tush deb, yoqamni qattiq ushladim.

Nolalar, jolalar dahshatli, tag'in

Vodiydan o'rlagan baqirig – dahshat.

Mana she'r daftarim – qora kundalik,

Eng dahshatli bir she'r bo'ldi undagi

Ellik ikki o'zbek yongan kundagi

Bo'g'zimga tiqligan hayqirig – dahshat.

MOZOR BOSHIDAGI O'YLAR

1.

Bu sukutgoh, miti tog'lar

qad ko'tarmish,

yurak cho'kmish,

savollar besamar, beruh,

gungmi gardish?

Yurak cho'kmish,

ichkarida ne hayotdir: bahormi, qish?

Yurak cho'kmish.

Kuymanib-kuymanib oxir

qaro tuproq bo'lar taqdir,

Chin hikmat manzili mozor –

Xudo bir, Rasul barhaqdir.

2.

Qor-u yomg'ir, bog'-u sahiro,

ko'kda oftob-u oy qolgay,

bunda farzandi mazlum ham

uch kunlik g'am aro qolgay,

savashlar, suron-u urho,

yana sayr-u saroy qolgay,

"murodim bo'ldimi hosil?"

so'nggi lahza savol qolgay,

yo ziyo qolgay munavvar,

yo ziyon-u zavol qolgay.

Kuymanib-kuymanib oxir
qaro tuproq bo'lar taqdir,
Chin hikmat manzili mozor –
Xudo bir, Rasul barhaqdir.

3.

Bu tufroqni chayon bosgan,
g'aribning zavqi oniydir,
kim haromdan hazar qilmas,
faqirning boshida biydir,
Qobil boshlab ketgan nizo
turfa ko'yda davomiydir.
Kuymanib-kuymanib oxir
qaro tuproq bo'lar taqdir,
Chin hikmat manzili mozor –
Xudo bir, Rasul barhaqdir.

4.

Bunda ruhlar duo istar,
gumbaz nechun,
shon uchunmi?
Yo yiqqani qolib dunda,
bo'm-bo'sh ketgan jon uchunmi?
Yo og'zining bog'ichi yo'q,
dabdaba zamon uchunmi?
ixlosmi bu,
ikrommi bu?
yo uzun zabon uchunmi?

Kuymanib-kuymanib oxir
qaro tuproq bo'lar taqdir,
Chin hikmat manzili mozor –
Xudo bir, Rasul barhaqdir.

5.

Gul bazmiga qo'shar Horis,
nayranglari fusunlidir,
bayramlari fusunlidir,
gunoh qilsam huzurlidir...
Tavba qildim, tavba qildim,
jolalarim huzurlidir,
so'rog'im ne kechar – qo'rqinch,
notavon ruhga sirlidir,
qanday shoir eding dermi
va yo qanday o'g'il bo'lding?
tafakkur etsam tanazzul –
ikkisi ham qusurlidir.
Kuymanib-kuymanib oxir
qaro tuproq bo'lar taqdir,
Chin hikmat manzili mozor –
Xudo bir, Rasul barhaqdir.

6.

Ko'z oldimda beshik-tobut,
o'rtasi oq-qaro yo'ldir,
gohi xushnud qadamlidir,
gohi motamsaro yo'ldir,

gohi gulshan, gohi qonli
biyobonlar aro yo'ldir,
qozi yo'qdir, hakim yo'qdir,
vodariq, mojaro yo'ldir,
oq yo'rgak ibtido yo'ldir,
kafanlik intihio yo'ldir,
bu bulg'anch soyalar bordir -
zulumat bor, nifoq yo'ldir,
"Fotiha", "Yosin", "Taborak" ...
ham oyatlar shifo yo'ldir.
Kuymanib-kuymanib oxir
qaro tuproq bo'lar taqdir,
Cnin hikmat manzili mozor -
Xudo bir, Rasul barhaqdir.

7.

Mudom oshiq olov ichra,
mudom shoir jigarxunmi?
Munofiqning boshida toj,
miskinning ashki Sayxunmi?
Bu yomg'ir elchimi ko'kdan,
bu shamol chinqiroq unmi?
har zarra mo'jiza qutlug',
shundayam kutganing xunmi?
Kuymanib-kuymanib oxir
qaro tuproq bo'lar taqdir,
Chin hikmat manzili mozor -
Xudo bir, Rasul barhaqdir.

8.

O'zing Qodir, O'zing Fattoh,
umidvorman, Hukmdorim,
g'ulomingman, bo'g'zinda oh,
umidvorman, Hukmdorim,
bu sukutgoh, ko'ngil shaffof,
umidvorman, Hukmdorim,
o'zim g'ofil, O'zing G'affor,
umidvorman, Hukmdorim,
Kuymanib-kuymanib oxir
qaro tuproq bo'lar taqdir,
Chin hikmat manzili mozor -
Xudo bir, Rasul barhaqdir.



DO'STIMNING KITOB JAVONI

Mugovasi zarhal, yaltiroq,
Qalin kitob oldi-yu qo'lga,
Afsuslandi: "Bechora kitob
Shoiridan avvalroq o'lgan".

So'ng boshqasi - varaqlari dog',
"Bir zamonlar ovoza bo'lgan".
Ma'yus tortdi: "Bechora kitob
Shoiridan keyinroq o'lgan".

Chehrasida tabassum zohir,
Bir kitobni o'pdi ardoqlab.
"Har satrida tirikdir shoir",
O'limni ham qoldirib dog'da".



QOPLONBEK QO'SHIG'I

Har oqshomda botadi ufqqa,
Har saharda uyg'onar umid.
Isyon qilar ichida shubha:
"Parvardigor!!!
Borliging shumi???"

Xo'rsinadi mevasiz daraxt,
O'ksinadi zamin-u gardun.
Kattalashar ko'ksida yara -
Tili bilan yuradi mardum.

Tirnaladi tirmoqsiz bag'ir,
Tokay taskin topadi tushdan.
Kuzgi bog'day huvillar, axir,
Bahor olib kelsang-chi, Xushvaqt.

Derazadan zulmatga qarab
Mo'ltiraydi har tun yotarda:
"Erta kim tobut ko'tarar,
Erta kim yig'lar otamlab".

OTAMGA

1.

Tun keladi zamin oralab,
Ufq quyoshning qonini ichar.
Ko'ylagingni battar qoralar
Yelkangdagi bir etak pichan.

Odam bo'lib ko'rdingmi hasham,
Zar topdimgi shudgor ichidan?
Xo'rlab kelar uygacha har shom
Yelkangdagi bir etak pichan.

O'rog'ingni qayragan qayroq
So'zlarimni qayramas picha.
She'rilarimdan ko'ra balandroq
Yelkangdagi bir etak pichan.

Og'irlashar qadamma-qadam,
Og'irlashar hatto sog'inchdan.
Seni xarob qilamiz: men va
Yelkangdagi bir etak pichan.

2.

Sog'indim...
Dunyoning bir chekkasida
jimitdek jonini jabborga berib,

quyoshda toblangan ey, qora odam,
Sen eng yorug' she'rim.

Bo'rtib chiqqan qon tomiriaring
Ulug' daryo – halollik oqar.

Muhabbat oqadi shu qadim
tuproqqa muhabbat – bebaho...

Xo'rozi muazzin tonglarda
ikkti tog' – yelkangga opichib
ko'zlari nurlangan qishloqi
bolani sog'indim.

Sog'inchim,

yarq etdi yovvoyi yashinday
ilk bora senga she'r atadim.

Ilk bora hayqirdim tashimda:

Bag'ring – ikkti dunyo Vatanim.

Sog'indim...



Hovlimizda shodlik, marhabo!
Bir yo'qlab kel, o'zing ko'rarsan.
Kenja botir – turkiy pahlavon
Ertaklarda topgan jo'ransan.

Bolalikdan senga yelkadosh
Hamroh o'sdim, yurakda havas.
Ming sinovdan omon chiqqan bosh
Bosgan yo'ling avlodlarga dars.

Razolatning halokati chin,
Yuksalasan sodiq, suyanchiq.
Turkiy qavm oromi uchun
Ikki boshli ajdarni yanchib...

Sen bek yigit, navqiron, nodir,
Quronchimga qo'shil, marhabo!
Ota bo'ldim, ey alp, bahodir,
O'g'lim bo'lsin senday pahlavon.

Xat yubording, rohat yubording,
Hijjaladim hovliqib, yayrab.
Yanog'ingdan (esingda bordir)
o'pich olgan kunimdek – bayram.
Cheksizlikdan cheksizmi titroq?
Ishtiholar – xazon, yanchilar.
Qoraxatning chandig'i bitmay
o'zi kirib kelgan jangchiday
tasavvurga sig'mas quvonchning
lablarimda o'ynar jarangi.
So'zlaringda yosuman soching-
ning muattar ifori anqir.
Chor tarafga boqdim – jovidon,
Zamin kaftdek, qanotsiz uchdim.
Shu bir parcha maktub oldida
mening bari yozganim puchdir.
Xat yubording, rohat yubording,
Hijjaladim hovliqib, yayrab.
Yanog'ingdan (esingda bordir)
o'pich olgan kunimdek – bayram.

Sen darsga kelmading, o'sha kun
Avzoyi buzildi havoning.
Olamda judolik ranglari,
Baribir ko'zlaring samoviy.

Sen darsga kelmading, o'sha kun
Sinfdosh qizlarning ko'zlari
Sinovchan boqdlar, angladim,
Qoldimmi shunchalar o'zgarib?

Sen darsga kelmading o'sha kun,
Sog'misan? Ruhimda vahima.
Hilolim, Ibolim, Malagim,
Men faqat sen bilan baxtiman.

Sen darsga kelmading o'sha kun...



Men she'r dedim,
"Telbalik", - deding,
Baxt yo'li bu, so'zimga ishon.
"Hayot - baland tepalik", - deding,
"G'o'r she'r'laring oyoqqa tushov".

Kechalarda kechardi umrim,
So'z axtarib, seni axtarmay.
Ishonmasdim, she'rim tug'ilib
Bizni ayro qilsa baxtlardan.

Men she'r dedim, so'zlari keskir,
O'z lafzidan seskansa tanim.
Sezdim, alam qilganin sezdim
She'rni sendan ko'proq sevganim.

Men bilardim, she'riyat - huzur,
Huzuringga eltmadi bu yo'l.
O'g'illar tug'
Va so'nggi so'zim:
She'r'laringa boshqorong'i bo'l.

SHOIR BO'LSANG

Shoir bo'lsang...
 Huuv burni puchug,
 qoshlarida barmog'ing izi –
 oqshomlarda kitobing quchib,
 uxlab qolsa maktabdosh qizing.

Shoir bo'lsang...
 poyingda osmon,
 Mag'lub yovday chekinsa qo'rquv.
 So'z muqaddas, ilinjing yozmoq,
 Intihosi o'lim yo'q yo'l bu.

Shoir bo'lsang...
 Somonsuvuq uy
 (kitob hidi anqigan, jannat)
 o'chog'iday yonsa, ilohiy –
 ko'ksingdagi tutqun Muganna.

Qonga bo'yab o'sha yeringni
 huzurlansa xumordan chiqib,
 so'ng uzlatda yozgan she'rining
 o'qib, mazazza qilsa raqibing!

Shoir bo'lsang!!!

UMRIMDAN UCH KUN VA ORZU

1.
 Uyga qamab qo'ydi suvchechak.
 Yuzim yashil,
 urgandek yashin,
 U jonhalak bo'ldi shu kecha...

2.
 Oqshom edi,
 singlim tasodif
 gullab qo'ydi "Gul"ning daragin.
 Yuzim qizil,
 qoldim yer chizib...

3.
 U umidvor...
 Xunuk quladim,
 Dorifunun – baland cho'qqidir!
 Yuzim qora,
 o'rta yuborar,
 Qarog'idan qayg'u o'qdim...

4.
 U adoyi qamarim hamon,
 Umri ko'z yosh, men uchun oqdi.
 Shu ayolning qoshida, Xudo,

MUNDARIJA

Dilmurod Qur'onov. Rangin olam	3
Mart chizg'ileri.....	6
Otaning so'nggi kunlari.....	8
Onanga.....	9
Geografiya darsi.....	10
Bolalik sog'inchi.....	11
She'r.....	12
Quyosh.....	13
Bolalikda yozilmagan she'r.....	14
Eshik tars yopildi.....	15
Isfandiyorga.....	16
"Ay, yod!....."	17
"O, kuzak yong'iri....."	18
"Sho'irga halovat....."	19
Nasimiy.....	20
Tun.....	22
Tushkunlik.....	25
"Qayrag'ochlar qartaydi....."	26
Bobo.....	27
Siyosat.....	32
"Tashqarida bahor....."	33
"Xushbo'y nasim olanni tutdi....."	34
"Sen bir xayol....."	35
Jasorat.....	36
"Mana bu gul....."	37
She'rim.....	38
Eshikni qullayman.....	39
Mitti xulosa.....	40
"Nazmiy saroy....."	41
"Holat....."	42
"Neki sir bor....."	44
Savol.....	45
Yig'i.....	46
"Otangga cho'p otsang....."	48
"Bolalarni uyg'ot, shoirim....."	49

"Siz uxlab qolasiz....."	50
To'qizinchii fevral o'ylari.....	51
Daraxt.....	53
Folja.....	54
"Qish turlari....."	55
"Oq yo'l....."	56
Vatangado.....	57
Mung.....	58
Sindosh qiz.....	60
Maktub.....	62
"Ayo, sevgin....."	63
"Gul visoldan....."	64
"Tun....."	65
"Namozshonning qaro zulfidan....."	66
"Bolakay....."	67
"Kuzgi osmon....."	68
"Kut meni....."	69
"Hayol....."	70
"To'yingkuni....."	71
"O'qituvchi....."	72
Qachon.....	73
"Senga atab she'r yozdim....."	74
Boks. Rio-2016. olimpiadasidan so'ng.....	75
"Oppoqko'ylak....."	76
Tarix.....	77
"Dahshat asli nadir....."	78
"Mozor boshidagi o'ylar....."	79
Do'stimning kitob javoni.....	84
Qoplonbek qo'shig'i.....	85
Otamga.....	86
"Hovlimizda shodlik....."	88
"Xat yubording....."	89
"Sen darsga kelmading....."	90
"Men she'r dedim....."	91
"Shoir bo'lsang....."	92
Umrimdan uch kun va o'tuz.....	93

312613014

UO'K: 821.512.133-1(081)
K BK: 83.3(50'zb)

A 37

A 31 Aziz, Nurmuhammad.

Zarif g'ussalar [matn]: she'rlar / N. Aziz.

– Toshkent: "Adabiyot" nashriyoti, 2020. – 96 b.

Adabiy-badiiy nashr

NURMUHAMMAD AZIZ

ZARIF G'USSALAR

She'rlar

Muharrir: D. Mingboyeva

Badiiy muharrir: F. Ermatov

Sahifalovchi: N. Soatov

Musabihli: Sh. Hakimova

O'zbekiston Yozuvchilar uyushmasi

"ADABIYOT NASHRIYOTI" MCHJ

Nashriyot litsenziyasi: AI № AA 0043. 27.01.2020.
100129, Toshkent shahri, Markaz-15, 1/90.

☎ (98) 128-30-04.

Bosishga 20.12.2020-yilda ruxsat etildi:

Ofset qog'oz. Qog'oz bichimi: 70x90 1/32

Ofset bosma. Hisob-nashriyot t. 3.0.

Adadi: 5000 nusxa. Buyurtma №366.

"AZMIR NASHR PRINT" MCHJ boshmaxonasida chop etildi.
100200, Toshkent shahri, Adham Rahmat ko'chasi, 10-uy.

